



ჩემი გიმნაზია



**სტეფანწმინდისა და ხევის ეპარქიის და წმ. ილია მართლის სახელობის გიმნაზიის
ყოველთვიური გაზეთი №2 თებერვალი 2016 წ.**

**გაზეთი გაშლის ბიზნაზიის ღირებურობის სტეფანწმინდისა და ხევის
მთავარეპისკოპოს იმეზღიშელის ღოცვა-პურისხვით.**

**ივერიის ყოვლადწმინდა ღვთისმშობლის
ხატის ღვთისმშობლის. 12(25) თებერვალი**



იმპერატორ თეოფილეს მეფობის პერიოდში (829-842 წწ.) ბიზანტიის იმპერიაში ხატმბრძოლობის საშინელი ერესი იმპერატორებდა. იმპერატორის ბრძანებით სახელმწიფოს ყველა სოფელსა და ქალაქში მხედრები ეძებდნენ გადაძალულ ხატებს და ანადგურებდნენ მათ.

ქ. ნიკეის მახლობლად ცხოვრობდა ერთი კეთილმორწმუნე ქერივი, რომელიც ფარულად ინახავდა ყოვლადწმინდა ღვთისმშობლის ხატს. იმპერატორის გაგზავნილმა მხედრებმა იპოვეს ეს ხატი. ერთ-ერთმა მათგანმა

„მახვილი დასცა პირსა ხატისა“. მოხდა სასწაული: ნაიარევიდან სისხლმა იფეთქა. შემძინებული მხედრები იქაურობას გაეცაღნენ. ქერივი მთელი ღამე ლოცულობდა ყოვლადწმინდა ღვთისმშობლის ხატის წინ. დილით კი, ღვთის განგებით, მან ხატი ზღვასთან მიაბრანა და ლოცვის შემდეგ, წყალში ჩაუშვა. ხატი, ზღვის ტალღებზე აღმართული, დასავლეთისაკენ გაემართა.

გაეიდა ხანი. ერთხელ, მიმწუხრისას, ათონის ივერთა მონასტრის ბერებმა ზღვაზე იხილეს ნათლის სვეტი. ეს ხილვა რამდენიმე დღე გაგრძელდა. წმინდა მთის მამები შეიკრიბნენ, ზღვის ნაპირზე ჩავიდნენ და ნახეს, რომ ღვთისმშობლის ხატს ნათლის სვეტი ადგა, მაგრამ, როცა მიახლოება გადაწყვიტეს, ხატი ზღვის ნაპირს განეშორა.

იმ დროს მონასტერში მოღვაწეობდა ერთი ქართველი ბერი, გაბრიელი. წმ. მთის მამებს ყოვლადწმინდა ღვთისმშობელი გამოეცხადა და აუწყა, რომ მხოლოდ გაბრიელ ივერიელი იყო ღირსი წმ. ხატის ზღვიდან გამობრძანებისა.

ათონის ბერებმა ქართველთა მონასტერს მიაკითხეს, მოძებნეს გაბრიელი და გალობით და საკმევლის კმევით, ზღვის ნაპირთან ჩავიდნენ. გაბრიელი ზღვაში შევიდა, ისე გაიარა ტალღებზე, როგორც ხმელეთზე და წმ. ხატი ნაპირზე გამოაბრძანა.

ეს მოხდა ბრწყინვალე შვიდეულის სამშაბათს.

ზელიდან გამობრძანებული ხატი ნაპირზე დაასვენეს და სამადლობელი პარაკლისი გადაიხადეს. იმ ადგილზე ცივმა და საამო წყარომ ამოხეთქა. ამის შემდეგ ხატი ეკლესიაში შეაბრძანეს და საკურთხეველში დაასვენეს. მეორე დღეს ხატი კარიბჭის კედელზე დახვდათ. ასე განმეორდა რამდენჯერმე. ბოლოს ყოვლადწმინდა ქალწული კვლავ გამოეცხადა გაბრიელს და უთხრა: „გამოეცხადე მათა, რათა ამიერიდან უმეტეს არა განმხდინენ მე, რამეთუ მე მწებაეს არა იგი, რათა მიცავდეთ თქვენ, არამედ რათა თვით მე გფარავდეთ თქვენ, და ვიდრემდე იხილევოდეს სუანესა ამას შინა ხატი, არა მოგაკლდეს თქვენ მადლი და წყალობა ძისა ჩემისა“.

ბერები გამოუთქმელი სიხარულით აღივსნენ, იქვე ააგეს პატარა ტაძარი, სადიდებლად ყოვლადწმინდისა ღვთისმშობლისა და საკურთხეველ-მოქმედი ხატი შიგ დაასვენეს.

პორტაიტისას, ანუ ივერიის ღვთისმშობლის სასწაულებოქმედი ხატის მადლით, დღესაც მრავალი სასწაული აღესრულება.

**მირქმა (მიგებება) უფლისა ღვთისა და
მაცხოვრისა ჩვენისა იესო ქრისტესი**

მირქმა უფლისა ქრისტიანული ეკლესიის ერთ-ერთი უძველესი ღვთისმშობელია, მაგრამ VI საუკუნემდე იგი გამორჩეული ზეიმით არ აღინიშნებოდა. 528 წელს იმპერატორ იუსტინიანეს (527-565) დროს, ანტიოქიას თავს დაატყდა საშინელი მიწისძვრა, რომელსაც მრავალი ადამიანი ემსხვერპლა. ერთ უბედურებას სხვა დაერთო — შავი ჭირის ეპიდემია, ყოველდღე რამდენიმე ათასი კაცი იხოცებოდა. ამ განსაცდელის ჟამს ერთ კეთილშობილ ქრისტიანს ზეგარდმო ეუწყა, რომ მირქმის ღვთისმშობელი უფრო საზეიმოდ აღენიშნათ და, როცა ამ დღეს ღვთისმშობლის ღოცვები და ლიტანიები აღასრულეს, ბიზანტიაში უბედურებათა წვევა შეწყდა. ღვთისადმი მადლიერების ნიშნად 544 წელს ეკლესიამ განაჩინა, მირქმა (მიგებება) უფლისა ღვთისა და მაცხოვრისა ჩვენისა იესო ქრისტესი აღენიშნათ უფრო საზეიმოდ.



**8 თებერვალი — ხსენება ზმ. დავით
აღვაშენებლისა**

დავით აღმაშენებელი დაიბადა 1073 წელს. 1089 წელს გიორგი მეფემ 16 წლის შვილი ტახტზე აიყვანა და გაამეფა. დავითის გამეფების დროს საქართველო საშინლად დაცემული იყო. უსჯულო მუსულმანები საშინლად ავიწროებდნენ ხალხს. ბევრი ქალაქი, მონასტერი და ეკლესია დაანგრიეს და გაანადგურეს.

მაგრამ ავიდა თუ არა დავითი ტახტზე, მამინვე შეკრიბა ჯარი და მამაცურად დაუწყო მიმდინარე მტერს ბრძოლა. 1110 წელს მან თრიალეთის ომში სძლია სულთანს მუჰამედს და დაიბრუნა სამშვილდის ციხე, აქედან გადავიდა სამხრეთ კლარჯეთში და განდევნა ჭოროხის ხეობაში ჩამოსახლებული თათრები. ამის შემდეგ გაათავისუფლა თბილისი, გადავლო ცივ-გომბორის მთა და ჯარით მივიდა ნუხის მაზრაში. 1117 წელს დავითმა აქ დაამარცხა მტერი, და შემდეგ ომი გამოუცხადა განჯის მხარეს მყოფ თათრებს. 1120 წელს სძლია განჯის ემირს და გაუწყვიტა ჯარი. განჯის ხელში ზონთქარმა აუარებელი ჯარი გამოგზავნა საქართველოს მეფის დასასჯელად. გმირი დავითი არ შეშინდა — მოაწადა თავისი ჯარი და დაუხვდა მტერს დიდ-გორში. გაიმართა სასტიკი ბრძოლა. გამარჯვება დავითს დარჩა.

ამგვარად, დაცემული საქართველო თანდათან აღდგა და აღორძინდა. უაღრესად განათლებული ადამიანი ბრძანდებოდა მეფე დავითი და საღმრთო წერილისა და სხვა წიგნების კითხვა ძლიერ უყვარდა. ამიტომ



გთხოვთ, გაუფრთხილდეთ გაზეთს გასული დაგმობილი ტიპსტის და ფოტოგრაფის გავით.

მას სურდა ერიც განათლებული ჰყოლოდა. მან მრავალი სკოლა დააარსა საქართველოში. ამას გარდა, იგი ყოველ წელს აგზავნიდა ქართველ ემანცილებს საბერძნეთში უცხო ენების შესასწავლად და მერე წიგნების სათარგმნელად.

დიდი ღვაწლი დასდო მეფე დავითმა სამეფოსა და ხალხს, ხალხმაც არ დაივიწყა და ჯერონად დააფასა ეს ღვაწლი და რადგანაც იგი იყო აღმაშენებელი ქვეყნისა, მოშიშო ღვთისა, გლახაკთა, ქვერთა და ობოლთა მოწყალე, სნეულთა თვითმსახური, ეკლესიათა და მონასტერთა მშენებელი, სამღვდელთა პატივისცემელი, ამისათვის ხალხმა მას უწოდა „აღმაშენებელი“, ხოლო ეკლესიამ წმინდანად შერაცხა.

დავით აღმაშენებელმა სულ 33 წელიწადი იმეფა და გარდაიცვალა 1126 წლის 24 იანვარს. გვაში ამ შესანიშნავი მეფის განისვენებს გელათის მონასტერში.



11 თებერვალი — 19 თებერვალი — 6 (19) თებერვალი
ხსენება მოწამე — ხსენება ღირსი შიო — ხსენება არსენ
ავოტ ღიღი — მღვინისა. — ივალთოებისა
კურაპალატი (+1127)

მათთვის, ვისაც ჰოროსკოპების სჯამარა

დღეს თანამედროვე ახალგაზრდობა, და არა მარტო ახალგაზრდობა, ინტერესით მისდევს ადმოსოვლური (ჩინური) ჰოროსკოპების ტრადიციებს. ამასთან დაკავშირებით არის ორი ლეგენდა. ერთი ლეგენდის მიხედვით, 12 ნიშნის შექმნა თავად ბუდას მიეწერება, მეორე კი ჩვ. წელთაღრიცხვამდე მცხოვრებ ნახევრად მითიურ ყვითელ იმპერატორს. ჩინელ ხალხს ბუდასთან დაკავშირებული ლეგენდის უფრო სჯერა. ლეგენდა გვამბობს, რომ ბუდამ სტუმრად მიიწვია ცხოველთა სამეფოს ყველა წარმომადგენელი, მაგრამ გამოცხადდა 12 მათგანი. ერთგულებისა და მადლიერების ნიშნად ბუდამ თითოეულს საკუთარი წელიწადი აჩუქა. ეს არის ჩინური მსოფლმხედველობა, რომელსაც გავაგრძელებთ ინტერნეტში მოპოვებული მასალით:

„მაიმუნის წელი რისკის, თავგადასავლების და ოცნებების ასრულების წელიწადია, როცა შეგიძლიათ ფრთები შეასხათ თქვენს ყველაზე გიჟურ, ერთი შეხედვით უტოპიურ მიზნებს და ოცნებებს. ასე რომ, ნუ შეგეშინდებათ რისკისა და თავგადასავლების, თამამად ისურვეთ და ჩაიფიქროთ. მაიმუნი სწავლობს ყველას, ვისაც არ ეშინია იცხოვროს სისხლსაც და აქტიური ცხოვრებით“.

ხალხს სჯერა, რომ ცხოველები, ამ შემთხვევაში მაიმუნი, გაუღენას ახდენს მის ბედზე და აუკლებებს მის ხასიათს.

როგორია ეკლესიური სწავლება: ფსალმუნი ამბობს, რომ: „კაცი პატივსა შინა იყო და არა გულისხმა ჰყო, პბაძიდა იგი პირუტყვსა უგუნურსა და მიემსგავსა მას“. ადამიანი მართლა შეიძლება დაემსგავსოს მაიმუნს, მაგრამ ეს არ იქნება მაიმუნის ძალაზე დამოკიდებული, არ იქნება მაიმუნის ბრალი, არამედ ადამიანის უგუნურობის ბრალი იქნება. ადამიანი არის გონიერი არსება, ღვთის ხატად შექმნილი და ის უნდა ისწავოდეს შეიძინოს არა მაიმუნის თვისებები და დაემსგავსოს მაიმუნს, არამედ — შემოქმედ ღმერთს.

როცა ადამიანი გააცნობიერებს ამას, ე. ი. ჩასწვდება ცხოვრების ღრმა აზრს, რაც მდგომარეობს სულის უკვდავებაში, მისი საგანძური გახდება მართლმადიდებლობა. მართლმადიდებელი ქრისტიანისათვის ჰოროსკოპი სასაცილოა, იმიტომ, რომ მას გაცნობიერებული აქვს, რომ სამყაროს შემოქმედია ღმერთი, დროც და წელიწადის დროებიც მისი შემოქმედების ნაწილია და ის იმედს ამყარებს ღვთის წყალობაზე. მაიმუნის წყალობაზე (როგორც ზემოთ ვერაი) როგორ უნდა დაამყაროს გონიერმა ადამიანმა იმედი, მართლაც იწვევს გაკვირვებას.

ყველაფერი არის ღმერთის: უფლისა არს ქვეყანა და საცხება მისი, სოფელი და ყოველნი დამკვიდრებულნი მას შინა.

ჩვენს გაზეთში მაიმუნის გამოსახულება ასეთ კონტექსტში არ უნდა მოხედეს, თორემ მაიმუნის, როგორც ღვთის ერთ-ერთი პატარა ქმნილების საწინააღმდეგო, რა თქმა უნდა, არაფერი არა გვაქვს.

არქიმანდრიტი ნიკოლოზ ღლონტი
ნანა ფეხთშვილი

ვისაც სოფრა, დიას, ვისაც სოფრა!

ბატონ შოთა არაბულის მოთხრობაში „ბაბრი და ხევსურები“ სოფელს შემოჩვეული აბეზარი ბაბრის სიცოცხლე სოფლის მწუხარებაში გადაიხარდა.

ბაბრი მარტო მოსიარულე, გამძლე და ძლიერი მგელია. აი, ასეთმა მგელმა — ბაბრმა მუსრი გაავლო სოფლის ძაღლებს. შეწუხდა სოფელი. ხაფანგიც დაუგეს, მაგრამ ერთ დილას ნახეს ხაფანგიც გაქრა და ის კუნძიც, რაზეც ხაფანგი იყო დამაგრებული.

ჩაჩურის, სოფლის განთქმული მონადირის მეთაურობით ახალგაზრდობა მგელს კვალში ჩაუდგა და მალე მიაღწენ ერთ საზვავე ხევს. ამ ხევში თოვლი ისე იყო შემღვლილი, რომ შეიძლება სულ მალე მოწვევტილიყო და ზვავს წამოეღო ყველაფერი. ბაბრიც მალე შენაშენს, სწორედ ამ ზვავზე გასულიყო. მართლაც, მალე იჭექა ზვავმა და დაეშვა ქვევით, გაიტაცა ბაბრიც. აქ იწყება ბაბრის სამკვდრო-სასიცოცხლო ბრძოლა სტიქიასთან, რომელიც ასე ხატოვნად აქვს აღწერილი ავტორს. სიკვდილ-სიცოცხლე ერთმანეთის პირისპირ ღვანან. თითქოს ერთმანეთს ეთამაშებოდნენ.

ამ ბრძოლის დროს ბეგრი რამ ხდება. ჯერ ერთი, ჩაჩური აღტაცულია ბაბრის ბრძოლით და უკვე მისი მხარე უჭირავს.

„ერთ ციცაბო ადგილას ზვავმა მგელი ასწია და ბეჭობიდან გადაისროლა.“

ბიჭებმა აღტაცებისა და გაოცების ვიწინა დასცეს. „— გულები არა აქვთ ამ ძაღლმშვილებს, — აყვირდა აქოშინებული მონადირე. — ამათგან რანაირი კაცები დადგებიან?!“

ვაჟკაცმა იცის ვაჟკაცობის ფასი.

მაშინ, როდესაც ზვავმა ბაბრი ნაპირს მოაგდო, ვიღაცამ კეტი აღმართა, მაგრამ ჩაჩურმა შეძახილით შეაჩერა.

„ზვავმა ბაბრი კვლავ ჩაიხვია და უყურა რა ხალხმა ამ ბრძოლას, „უმეტესობას სიბრაღული ესახებოდა სახეზე“.

ბაბრი მოკლა ზვავმა. ახალგაზრდობამ დამარხა, რადგან ჩაჩურის თქმით, „ამას მგელ-კვერნების ძიძგა არ ეკადრებისო“.

თუ პირველ ხანებში მთელი სოფელი მზად იყო ჩაექოლათ და მოეკლათ ბაბრი, სამაგიეროდ რა იხილეს სიკვდილ-სიცოცხლესთან ბრძოლა, მათშიც გაიღვიძა ადამიანში დაბუდებული სიკეთე და მკვდარი ბაბრი ტურების საძიძველადაც აღარ გაიმეტეს.

როდესაც დამყარდება კონტაქტი ბუნებასა და ადამიანს შორის, სწორედ მაშინ იღვიძებს სიკეთე.

ბატონი შოთა არაბულის მოთხრობაში „სოფლის ჭირისუფალი და ბრძენი“ — მწკავედ ღვას დღევანდელი ჩვენი მთის პრობლემა: მისი დაცარიელება, უპატრონოდ დარჩენილი სოფლები. თუ შოთა დაგვიცარიელდა, თუ სოფელში ხალხი ცოტა დარჩა, მაშინ მარტო ქალაქში იქნება საქართველო? არა, უსოფლოდ უთუოდ ვერ შეძლებს იგი ამას. აბა გადაიკითხოთ თუნდ მარტო ეს მოთხრობები და რამდენი სიკეთე და კეთილშობილება დაიკარგება, რომელიც ქართველ ხალხს ოდითვე მოსდევდა.

უშიშას ქალაქში წასვლია ნაშთი. შემოუთვალეს მოვალთო და ჩავიდა ბარად, გზისპირად, შესახვედრად, მაგრამ სიტყვა გატეხეს და არც წელს მოუვიდნენ. ეწეინა, წყენა გულში ჩაიხშო, მაგრამ ბოლოს მაინც გადმოხეთქა მოვარდნილი ზეგავით.

„— არ მოვლენ და იქ იყვნენ, სადაც არიან, — თქვა აღრენილ კილოზე: — ერთ მშვენიერი დღეს უკაცურ სოფელს რომ ნახავს ვიღაც გადამთიელი, ოჩანი და ოჩოპინტა, ოჩაიურად მოინათლება ჩვენი თვალის ასახვევად, ჩაგვისახლდება აქ და თავის სულს და ხელს დაატრიალებს ყველაფერში: ჩვენს მამა-პაპათა საფლავებს სამწვანოდ გადანახავს, ყველაფერს თავის სტვამაქის გასაბერავად აქცევს და ბოლოს ამ სამწერსაც საძაღლეს შეარქმევს, თვითონაც ძაღლივით შემოგვიდრენს და შემოგვეფეს. მერე მისი მტკიცებასაც შემოგვტყდა, რომ სამწერსი მისი მამა-პაპათა სამფლობელო ყოფილა ათადან-ბაბადან და ამაზე უარის მთქმელიც აღარაფერი იქნება...“

ამაზე უკეთ ძელია გამოსახო მთიელი კაცის გულისტკივილი, მაგრამ ეს გულისტკივილი განა ქართველი კაცის გულისტკივილი არაა?!

2000 წელს კობა ბუჩუკურის თანადგომით გამოიცა კიდევ ერთი კრებული „ნისლისფერი ცხენები“, სამწუხაროდ, მისი ბოლო კრებული, რომელშიც 6 შესანიშნავი მოთხრობაა შესული. ამ კრებულს წამძღვრებული აქვს ჯანსუღ ღვინჯილიას წერილი, სადაც ის ამბობს: „მე — ჯანსუღ ღვინჯილიას — თბილისში მცხოვრებ ბაღდათულ კაცს, მშურს იმ მწერლებისა, რომელთაც შეძლეს კერისაგან მოუწვევტლად ეღვაწათ ლიტერატურაში. მშურს ჩემი ოტია იოსელიანის და შოთა არაბულისა.“

შოთა არაბული ვაზბეგელი კაცია, სულითა და ხორციტ მწერალი, ჟამიჯამ ჩამოდის თბილისში, ჩამოაქვს მშვენიერი მოთხრობები და ელოდება დასტამბვას. ყველგან უყვართ, ყველა გრძნობს, რომ ნაღმა, გულითადი, პირში მთქმელი, ხალასი.

შოთა არაბულის გმირები დატვირთული არიან ღრმა ადამიანური განცდებით, ამაღლებული სულისკვეთებით, ტრადიციების ერთგულებით, მთის მამაპაპური კანონებით, პასუხს აბეგენ მოვალეობის წინაშე.

კაცური ღირსების შენარჩუნებისათვის იბრძვის, მწერალი ხედავს, რამდენი რამ ეშუქრება ინტეგრაციის პირობებში ამ კაცურ ღირსებებს, კერძოდ, მოხვედის შინასამყაროს.

ულმობელი დრო ცდილობს ანაქრონიზმად მონათლოს ჩვენს დღევანდელობაში გადმოტყორცნილი დიდი წარსულის ღინებები. არადა, ხერხემლის გაგრძელება ამ ღირებულებების ერთგულება! რასაც ულმობელი დრო გვაწვდის სიახლედ, უმეტეს შემთხვევაში სხვა არაფერია, თუ არა სიახლედ მონათლული ცოდვილობა, ანუ გაპრანჭული პროვინციალიზმი. გაუმარჯოს ხერხემალს, რომელიც იზრდება!“

ბატონმა შოთამ აღნიშნული კრებულის, როგორც სხვა ყველა, მის-ახსოვრა და თან წამიწერა: „ჩემო ციცი, — ისახსოვრე შენი მასწავლებლისგან ეს მცირე საჩუქარი — შოთა არაბული, 4.XII 2000. ყაზბეგი“.

დიახ, ვისახსოვრე ეს დიდი საჩუქარი, დიახ, ის ჩემი მასწავლებელი იყო საშუალო სკოლაში. მასწავლებლა ქართულ ლიტერატურას. მისგან ვისახსოვრე ქართული ლიტერატურის სიყვარული, ვისახსოვრე მისი რჩევა-დარიგებები, ვისახსოვრე, დიახ, ვისახსოვრე და არც არასოდეს ვუღალატებ.

გული მტკივა, რომ ბატონ შოთა არაბულზე წარსულში მიწევს საუბარი. მას შეეძლო მრავალი საუკეთესო მოთხრობა ეჩუქებინა თაობებისთვის, მაგრამ იმედურის არ იყოს, უკუღმართია წუთისოფელი...

**დიდი სიყვარულითა და პატივისცემით ციციწო დუდუშაური
გიმნაზიის ქართული ენისა და ლიტერატურის მასწავლებელი**

ნუ დავაბინძურებთ გარემოს



მსგავსი სათაურის სტატია დაიბეჭდა „ჩემი გიმნაზიის“ დეკემბრის თვის გაზეთშიც, სადაც საუბარი იყო ეკოსაგანმანათლებლო დაწესებულების მიერ ჩატარებულ ღონისძიებაზე „გაეუფრთხილდეთ და დაეიცავთ გარემო“. რაიონის საგანმანათლებლო სკოლებს შორის ჩატარებულ ღონისძიებაში სულ 28 ბავშვმა გაიმარჯვა, მათ შორის ხუთი წმ. ილია მართლის სახელობის გიმნაზიის მოსწავლე იყო. ესენი არიან: თემო ბურჯუაძე, დავით ტუჩაშვილი, მარიამ სუჯაშვილი, დავით ოდიშელი და გიორგი ბურჯუაძე. ამის შემდეგ ჩატარდა მეორე ტური. ბოლო ტური მიზნად ისახავდა გარმაჯებული მოსწავლეებიდან სამი ბავშვის გამოვლენას.

ტურის შესახებ გვესაუბრება ყაზბეგის ეროვნული პარკის ეკოსაგანმანათლებლო საქმიანობის უფროსი სპეციალისტი მარინე ჩქარეული.

როგორც უკვე აღინიშნა თქვენს გაზეთში, ღონისძიება „გაეუფრთხილდეთ გარემოს“ მიზანია იყო გამოგვევლინებინა ბავშვების

დამოკიდებულება, ხედავს გარემოს დაცვის მიმართ. ჩვენი მიზანია გაეაძლიეროთ აქტიუობა გარემოს დაცვის საკითხებში და პოპულარიზაცია გაეუკეთოს როგორც დაცული ტერიტორიების, ასევე ბუნების დაცვის საკითხებს. პირველი ტურის ჩატარების დროსვე აღმოჩნდა, რომ ბავშვებს საინტერესო ხედავს აქტიუობების დაცვის საკითხებზე. მეორე ტურში გამარჯვებული მოსწავლეების ნახატები კი მართლაც საინტერესო იყო, როგორც თემატურად, ასევე მხატვრული თვალსაზრისით. მეორე ადგილზე გასული გიმნაზიის მოსწავლის, მარიამ სუჯაშვილის ნამუშევარმა დიდი მოწონება დაიმსახურა. ბავშვის ნახატი მიზანმიმართულია და საკმაო ნიჭს ამჟღავნებს ხატვისას. ბავშვების დაინტერესების მიზნით გამოვლენილ სამ გამარჯვებულს გადაეცა საჩუქრები:

ყაზბეგის საჯარო სკოლის პირველ ადგილზე გასულ VIII კლასელი არაბული დასაჩუქრდა პლანშეტით, მეორე ადგილზე გასული წმ. ილია მართლის სახელობის გიმნაზიის VII კლასელი მარიამ სუჯაშვილი — ფოტოაპარატით, ხოლო მესამე ადგილზე გასული გორისციხის საჯარო სკოლის მე-4 კლასელი ტუჩაშვილი — მობილური ტელეფონით. ტურის მონაწილე ყველა მოსწავლეს გადაეცა ფასიანი საჩუქრები: კალმები, ჭიკები და მისურები ჩვენი ლოგოთი. ყველაფერ ამაში ფინანსური დახმარება გაგვიწია ყაზბეგის ეროვნული პარკის მეგობართა ასოციაციამ. მხარში დაგვიდგა რესურსცენტრი, თითოეული სკოლის დირექტორი. შეჯიბრების მსვლელობის დროს ჩვენს გვერდში იდგა გიმნაზიის დირექტორი, მეუფე იეგუდიელი, სასწავლო ნაწილის გამგე სასწავლო-სააღმწერდლო საკითხებში ნატა თეთქუშანიძე და მასწავლებელი ცისია ფირანიშვილი.

ღონისძიებაზე აქტიუობა იმდენად დიდი იყო, რომ ყაზბეგის ეროვნული პარკის ადმინისტრაცია და ეკოსაგანმანათლებლო სამსახური მომა-

ვალშიც აპირებს მსგავსი ღონისძიებების ჩატარებას. ვგეგმავთ ვიქტორინას: რა, სად, როდის? კითხვები დასმული იქნება გარემოს დაცვაზე. ასევე ვფიქრობთ ფოტოკონკურსის მოწყობას ისევ — თემაზე „გაეუფრთხილდეთ გარემოს“.

**ყაზბეგის ეროვნული პარკის ეკოსაგანმანათლებლო საქმიანობის
უფროსი სპეციალისტი მარინე ჩქარეული**

კონცერტი გიმნაზიაში

წმ. ილია მართლის სახელობის გიმნაზიას 19 თებერვალს სტუმრად ეწვია ღებო გოგოჭურების მიერ ჩამოყალიბებული ბავშვთა ვოკალური ანსამბლი „ლიბუ“. ღონისძიებას ესწრებოდნენ გიმნაზიის მასწავლებლები, მოსწავლეები და სხვა სტუმრები.



ანსამბლი „სამედაშენოს“ დამაარსებელი ღებო გოგოჭურები დიდი ხევესურული ოჯახის წარმომადგენლები არიან. მათ ოჯახში თურმე სიმღერას დიდი ხნის ისტორია აქვს. ანსამბლში ამჟამად ოთხი წევრია: მარიამი, ქეთევანი, თამარ და მანანა გოგოჭურები. ისინი სისტემატურ მონაწილეობას ღებოლობენ სხვადასხვა ფესტივალებსა და ფოლკლორულ საღამოებში.

19 თებერვალს კი ანსამბლ „ლიბუს“ ხელმძღვანელობდა თამარ გოგოჭური.

ღონისძიებაზე წარმოდგენილი იყო ხალხური სიმღერები. სიმღერებს ასრულებდა ნიჭიერი მომღერლებისგან შემდგარი ბავშვთა ჯგუფი. ხალხური ტრადიციული სიმღერები შესრულდა ფანდურის, სალამურის და ტამბტამის თანხლებით. წარმოდგენილი ნომრები იყო ემოციურად დატვირთული, რამაც მსმენელს უდიდესი სიამოვნება მიანიჭა. კონცერტში მონაწილეობა მიიღო გიმნაზიის მგალობელთა ჯგუფმაც.



დასასრულს სტუმრებმა შესანიშნავი სიმღერა მიუძღვნეს ზეეს.

ქალბატონი თამარ გოგოჭური გულობილად გამოგვეშვიდობა და აღნიშნა, რომ მთა და მთის ხალხი ძალიან უყვარს. მართალია, წინა დღეს წამოსულეებს უდელტეხილზე სიმღელები შეხვდათ, მაგრამ მეორე დღეს მაინც ჩამოაღწიეს ჩვენამდე, რითაც თვითონ უფრო კმაყოფილები იყვნენ.

სტუმრებმა მადლობა გადაგვიხადეს მასპინძლობისათვის და დაგვემშვიდობნენ.

**თამო ქუშაშვილი
გიმნაზიის VI კლასის მოსწავლე**

ხევის ღირსშესანიშნაობები



ხევი მდიდარია ღირსშესანიშნაობებით. ყველა რომ დავასახელოთ და ყველა აღვწეროთ, ამას ერთი დიდი წიგნიც არ ეყოფა, მაგრამ, ვფიქრობ, რომ „ჩემი გიმნაზიის“ ყველა ნომერში თუ ხევის რამდენიმე ღირსშესანიშნაობაზე ვისაუბრებთ, ესეც მნიშვნელოვანი იქნება.

მოხვევებისათვის ყველაზე მნიშვნელოვანი არქიტექტურული ნაგებობა, წმინა სამების ტაძარია, რომელიც მსოფლიო ყურადღების ცენტრში მოექცა. ბრიტანულმა გამოცემამ „ტელეგრაფი“ მსოფლიოს ოც ულამაზეს ეკლესიათა სია

გამოაქვეყნა, რომელშიც მე-რ ადგილს იკავებს გერგეტის წმინდა სამების ტაძარი.

მეორე დიდი საოცრებაა მყინვარი, რომელიც ამაყად გადმოჰყურებს მთელ კავკასიონს.

ჩვენი ღირსშესანიშნაობები მარტო ეს არ არის. მე პირადად გულისტკივილი მინდა გამოვთქვა მივიწყებულ ღირსშესანიშნაობებზე, რომლებიც უყურადღებობის გამო დროთა განმავლობაში უმოწყალოდ ინგრევა. ასეთებია: არშის ციხე, ღალაგურის წმინდა გიორგის სალოცავი. აწხოტის ციხე და კიდევ რამდენი სხვა.

ამ ღირსშესანიშნაობებს რომ სათანადო ყურადღება მიექცეს, ჩვენ მომავალ თაობას შემოუნახება და ისინიც ჩვენსავით იამაყებენ ჩვენ უძველესი კულტურით.

ნუ მოეუხსპობთ ჩვენ მომავალ თაობას ამ სიხარულს.

თეიმურაზ ბურჯგური
გიმნაზიის VIII კლასის მოსწავლე

ჩემი ყაზბეგი

მომნატრებია ჩემი ყაზბეგი, ცად აზიდული ამაყი მთები, თეთრი მყინვარი მიუწვდომელი ხმაურისანი მშფოთვარე თერგი.

ყინულიანი გრძელი ბილიკი, წმინდა სამება ცად გაკიდული, მთლად დადარული სალი კლდეები, ღრმა ნაპრალებით ხეეს ჩაკიდული.

მომნატრებია მაღლა კლდეებში, ჯიხვი ამაყად მდგარი ქარაფზე, იქვე მთის ძირში მწყემსის კომბალი მიყუდებული ლამაზ კარავზე.

მამისეულ სახლს რა დამაიწყებს, სითბო მაკლია ღედის ხელების, დავხუჭავ თვალებს, მათ სახეს ვხედავ, თითქოს ხმაც მესმის ჩუმი ხეულების.

სახლის კედლებსაც ტკბილად ვაკოცებ, აქ ყველაფერი მაგონებს წარსულს, მხოლოდ ოცნებით თუ დავებრუნებ წლებს ბავშვობისას, წილებში წასულს.

ყოველი ნივთი მშობლებს მაგონებს, კედლიდან მიცქერს მათი თვალები, პატიებას გთხოვთ, რომ ვერ განხულობთ, შორიდან თქვენს სულს ვენაცვლები.

ჩემთვის სამშობლო ხევით იწყება, სიყვარულით მაქვს გული გამთბარი, ღმერთო ძლიერო, ხევი დალოცე, გადამიჩინე ჩემი მთა-ბარი!

გიული ჩქარეული

ბუდაური



სამთო-სათხილამურო კურორტი გუდაური ყაზბეგის მუნიციპალიტეტში შემავალი დასახლებაა. ზღვის დონიდან 2196 მეტრ სიმაღლეზე მდებარეობს.

სათხილამურო სეზონი დეკემბრიდან აპრილამდე გრძელდება. დღესდღეობით მოქმედ სამ- და ოთხდღიანი საწვევლებს მოთხილამურეები 2000 მეტრიდან 3006 მეტრ სიმაღლეზე (მთა კუდებზე) და 3270 მეტრ სიმაღლეზე (მთა საძელებზე) აპყავს. ამჟამად სულ 5 საწვევლა ფუნქციონირებს. სათხილამურო ტრასების საერთო სიგრძე 16 კმ-ს შეადგენს.

ზამთრის სეზონში ამ სამთო-სათხილამურო კურორტს უამრავი დამსვენებელი სტუმრობს და რა კარგია, რომ მსოფლიოში ასეთი სახელგანთქმული კურორტი ჩვენგან

მხოლოდ 35 კილომეტრითაა დაშორებული. ამიტომ ყაზბეგის მოსახლეობისათვის შედარებით ხელმისაწვდომია იქ სტუმრობა.

მე და ჩემი გიმნაზიის რამდენიმე მოსწავლე ყაზბეგის მუნიციპალიტეტის შერჩევით მოვხვდით გუდაურის „მთის სახლის“ სპორტულ სკოლაში. საწვრთნელი გაკვეთილები ათი დღე გაგრძელდა.

მთელ დღეს აქტიურად ვატარებდით.

ყოველი დღე ვარჯიშით იწყებოდა. შემდეგ სასრიალოდ გავეყავით. ჩვენი მწრთენელი კოტე მასწავლებელი ძალიან თბილად და გულისხმიერად გვექცეოდა. ბავშვებს ის ძალიან შეგვიყვარდა. იქ ჩვენ ბევრი სხვა სკოლის მოსწავლე გაეიცანით და დაეუძმევობდით. საღამოს ყველანი სპორტულ სკოლაში ებრუნებოდით. ერთად ვთამაშობდით, ვერთობოდით, ვუყვებოდით ერთმანეთს ჩვენს მხიარულ თავგადასავლებს და ვკითხულობდით წიგნებს.

ჩვენი მწვრთნელების დამსახურებაა, რომ თხილამურებით სრიალი კარგად შევისწავლე. მინდა ვისარგებლო შემთხვევით და დიდი მადლობა გადავუხადო ყაზბეგის მუნიციპალიტეტს და ჩვენს მწვრთნელ მასწავლებლებს, რომელთაც ჩვენ ასეთი მხიარული და ნაყოფიერი არდადეგები გვაჩუქეს. ეს დღეები მართლაც სამახსოვრო იყო და არასოდეს დამავიწყდება.

ნიკოლოზ ქუშაშვილი
გიმნაზიის V კლ. მოსწავლე

ტყარშების სალოცავები

ვალერიან ითონიშვილი

ნოემბრის თვის გაზეთში ვალერიან ითონიშვილის წიგნიდან „ხევის ყოფა-ცხოვრება“ დაიწერა გორისციხის წმიდა გიორგის სალოცავზე. ახლა კი ამ წიგნიდანვე მარაიმ ბაკურაძე გვესაუბრება სოფ. ტყარშეტის სალოცავებზე.

სოფ. ტყარშეტის სალოცავები იყო: კვლე-სიის ნანგრევები ე. წ. ხატის ციხე – მამაწმიდის სალოცავი. იმის ბოლოზეა კვირე, სადაც კვირესძლობა იმართებოდა. სოფლის ბოლოზეა ბერი წმიდა გივარგი, სადაც ყველიერში დიდ ზუთშაბათს მიდიოდნენ. სალოცავად უმთავრესი დღეობები იყო შობა-ახალი წელი, აღდგომა, კვირესძლობა, ამაღლება, მამაწმიდობა.

დღეობაზე დეკანოზობდა ან ხატის მიერ ამორჩეული დეკანოზი, ან მოწმინდარი მნათე. მნათე ამ მოვალეობას ასრულებდა დროებით, მხოლოდ თავის მნათეობის პერიოდში. მისგან განსხვავებით, ხატის მიერ ამორჩეული დეკანოზი მთელი სიცოცხლის განმავლობაში დეკანოზობდა. ხატის მიერ დეკანოზის ამორჩევა კი ზღვრიდა ქადაგების გზით. დეკანოზის შესახებ ლეგენდაც კი იქმნებოდა. მაგალითად, გუგუტეთ (მაისურაძე) სვიმონა, რომელმაც 130-140 წელს იცოცხლა, მამაწმიდის ნიშთან კლდეზე გადავარდნილა და დაცემულა მდელიზე კვირეცხოვლობის ნიშთან. ის უჭირველი ასულა თავის აშენებულ ქოხში, სადაც წმინდობდა. ის ხალხს არწმუნებდა, რომ ხატმა დაიფარა.

შობა-ახალ წელს ხატში არ გადიოდნენ და დღეობას ჩვეულებრივი მოხუერი წესით იხდიდნენ, მაგრამ მნათეობის სავალდებულო წესის შესრულებით. მამაწმინდის ხატში გასვლა, საკლავების შეწირვა წესად იყო აღდგომაზე. ამავე დღეობებზე ალოცებდნენ (ავედრებდნენ) მონათულ ბავშვებს და პატარძლებს.

აღდგომაზე კლავდნენ როგორც მნათის, ისე მლოცველთა მიერ შეთქმულ-შეწირულ საკლავებს. შეთქმული საკლავის ხორცი იქვე იხარშებოდა, ხოლო მნათის საკლავის ხორცი საერთო-სასოფლო სამხდოს ხმარდებოდა. საახალწლო სამხდოს მნათეები ცალ-ცალკე აწყობდნენ.

მოამზადა მარაიმ ბაკურაძემ
გიმნაზიის VIII კლასის მოსწავლე



რედაქტორი ანდრეი გომიკაშვილი	სარედაქციო პოლემბა: არამიანდრეიტი ნიკოლოზ ღლონტი, ციციონი ლუღუშაური, ნინო თუარძიაშვილი, ნატო ჟიბლაური, უჩა ხუციშვილი.	მის. სტეფანეშვილის ფ. ილია მართლის სახ. გიმნაზია-ანდრეი
---------------------------------	---	--